

¡BOMBA!

Ser humano es caminante,
una simple observación;
esa es nuestra condición,
traemos sangre de migrante



K'uintsil

Edición de fin de semana, del viernes 17 al domingo 19 de diciembre de 2021

CAMPECHE · YUCATÁN · QUINTANA ROO · AÑO 7 · NÚMERO 1635 · www.lajornadamaya.mx

KAAB KOJ

BA'ALCHE' ÓOL TU'UBSA'AN YÉETEL
MA' CUKA'AN XAAK'AL YÓOK'LALI'



Walkil jump'éel p'isk'iinile' u mola'ayil Procuraduría Federal de Protección al Ambiente (Profepa) tu péetlu'umil Kaanpeche', tu ts'áaj k'ajóoltbil tu tokaj juntúul kaab koj, *Herpailurus Yagouaroundi*. Juan Luis Peña Mondragón, j biológoo yéetel j xaak'ale' ti' u noj najil xook Universidad Nacional Autónoma de México (UNAM), ku tukultike', le ba'ax ojéelta'abo' k'a'anan tumen ba'alche'e, jatsa'an beey mesocarnívoros, ba'alche' ma' jach

nuuktak ku jaantik bak', chéen ba'axe' ma' ya'ab ba'al ojéelta'an yóok'lali'.

Yaan uláak' ya'abach ba'al ku jaantik, je'ex mejen ik'elo'ob, xuux, ch'íich', u jejeláasil ch'o', yéetel tak u yích che'ob. K'a'anan tumen ku k'i'itbesik i'inajo'ob ti'al u ka'a líik'il k'áax.

U x ch'uupulile' je'el u p'isik ichil 43 tak 66 sentiimetroos yéetel u xiibile' ichil 62 tak 83. Ku yila'al tu lu'umil México, ba'ale' beyxan Centroamérica, yéetel tak tu chúumukil

Argentina. Chowak u wiinkilal yéetel u yooke' kóom. U poole' wóolis yéetel chichan, ts'o'okole' u xikine' mejentak. U boonile' óol wáaway ba'ale' yaan xan túulis booxi'.

Táakbesa'an ichil NOM-59 beeta'an tumen Secretaría del Medio Ambiente y Recursos Naturales (Semarnat), tumen Sajbe'entsil u Sa'atal te'e tu'ux suuk u yila'alo'. Tu lu'umil Méxicoe' ma' ojéela'an jaytúul kuxa'an yani', mix xan ba'ax suuk u beetik tu'ux suuk u kuxtal.

JAIRO MAGAÑA

OOCHEL GABRIEL ARROYO

ESPECIAL: FAUNA NUESTRA | P. 49 TAK 51